

Dissertatio medica inauguralis de phlegmone ... / [Colin Campbell].

Contributors

Campbell, Colin, 1752-1794.
University of Edinburgh.

Publication/Creation

Edinburgi : Balfour, Auld, et Smellie, 1771.

Persistent URL

<https://wellcomecollection.org/works/mj7ckmvs>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

61990/
Ex dono Socium. Eriant 1791

D I S S E R T A T I O M E D I C A
I N A U G U R A L I S
D E
P H L E G M O N E, /
Q U A M
A N N U E N T E S U M M O N U M I N E,
Ex Auctoritate Reverendi admodum Viri,
GULIELMI ROBERTSON, S. S. T. P.
A C A D E M I Æ E D I N S U R G E N Æ P R Æ F E C T I,
N E C N O N
Amplissimi S E N A T U S A C A D E M I C I consensu,
Et nobilissimæ F A C U L T A T I S M E D I C Æ Decreto,
P R O G R A D U D O C T O R I S,
S U M M I S Q U E I N M E D I C I N A H O N O R I B U S E T P R I V I L E G I I S
R I T E E T L E G I T I M E C O N S E Q U E N D I S;
Eruditorum examini subjicit

C A L E N U S C A M P B E L L.
B R I T A N N U S.

Ad diem 12 Junii, hora locoque solitis.

*Quod potes, id tenta : Nam littus carpere remis
Tutius est multo, quam velis tendere in altum. CATO.*

E D I N B U R G I:
Apud B A L F O U R, A U L D, et S M E L L I E,
Academiae Typographos,
M, D C C, LXXI.



ca

316829

Principi Illustrissimo, Nobilissimo, et Potentissimo,

JOHANNI CAMPBELL,

DUCI DE ARGATHELIA,

MARCHIONIQUE DE LORN,

Primariae Legionis praefecto,

Atque Regis exercituum apud Scotos Imperatori,

Qui praeclaras Atavorum res gestas,

Suis quoque Virtutibus,

Quam plurimum exornat,

Hacce Studiorum primitias,

Summa qua par est Observantia,

D. D. C. Q.

CALENUS CAMPBELL.

Calenus Campbell

Calenus Campbell

Calenus Campbell

D. Watson Preceptoris suo
optimo, hoc in medicina
tentamen, quasi animi
gratiendium parvulum
cum toto plenoque am-
mo obsequentissime
offerit
Discipulus eius
Auctor.

C A L E N O C A M P B E L L,

D E E D E R L I N O,

A R M I G E R O,

Patri suo optimo;

Etiamque,

G U L I E L M O C H A L M E R S,

D E D A L R Y,

A R M I G E R O,

Chirurgo Edinensi peritissimo;


*Illi qui, instar Parentis optimi, me liberaliter summa-
que cum Pietate, ab incunabulis buc usque aluit.*

*Huic, ob praestantissima multaque ejus praecepta,
quibus me, studiis Medicinae aliquot annis incumben-
tem, sub illius tutela adeo benigne ditavit.*

Gratias quam plurimas ex toto animo agit

Hujus tentaminis

A U C T O R,



D I S S E R T A T I O M E D I C A

D E

P H L E G M O N E.

I N T R O D U C T I O.

IN tractatu sequenti, de Inflammationis natura et effectibus, pauca, ab experimentis simplicibus naturaliter secutura, in lucem proferre statui.

De quovis systematicorum principio, praesertim maxime stabilito, audacius, et aleae dubiae, dubitare, primo intuitu videatur.

A

S E D

SED damna quae ex tali opinione necessario sequuntur, cuivis rite consideranti, absque multo ratiocinio, facilime patefcunt. Quippe igitur dolendum est, studiosos medicinae atque philosophiae, per multa secula praeterlapsa, in verba et dogmata praeceptorum, nulla artium aut scientiarum investigatione facta, quam temere conjurasse.

SED haec Galeni et Aristotelis discipulis referenda velim, qui omnia nova, vel suis dogmatibus contraria, quasi inutilia atque damnosa judicarunt, adeoque medicinam et philosophiam sibi gentilia propriaque usurpaverunt.

PRAESENTI autem seculo, liberalium artium studio et ardore per universas gentes dominantibus, hae sententiae, tam arctaæ, despiciendæ, vel prorsus in desuetudinem redigendæ, existimari debent. Medicorum est igitur, de omni dogmate in lucem prolati, priusquam iis clareſcant,

tant, dubitare; et, qui aliter fecerunt, nomine et honore medicorum indigni existimandi sunt. Doctrina itaque publice atque generaliter impugnata, propriisque viribus et candore stabilita, summam fidem famamque procul dubio adipiscitur. Quocirca, si aliquid novi de inflammationis causa in lucem proferam, vel, si quodammodo de re summi in medicina momenti dubitare videar, me a culpa liberatum sperare liceat; quae res, quocumque modo perficiatur, tamen magnopere laudanda est. Theoriam profecto novam stabilire neutquam aggredior, tali quippe proposito impar; rem tam difficilem, viris ingenii praestantioris absolvendam, relinquere vellem. Doctrina haec equidem, quantumvis primo intuitu, iisque qui opinionem contrariam adoptarunt, in paucis phaenomenis, dubia, manca, vel incerta videatur, tamen nequaquam rejicienda. Tales enim objectiones, quando res candide et modo debito investigatur, splendore veritatis ut plurimum evanescere

4 DE PHLEGMONE.

scere solent ; praesertim inter medicos, in verba alterius neutiquam addictos jurare ; aut quorum vitae integritas, cultusque morum elegantior, aliquid tale permettere nequaquam sinunt. Hisce igitur, quos summo honore ex toto animo amplector, sequentes schedulas perscrutandas trado.

ARGUMENTI DIVISIO.

SED ad propositum redeamus. Thema nunc pertractandum in propria capita dividere, et de singulis suo ordine pauca differere, mihi necessarium videatur, semper classium diversarum ratione habita, ut ordine debito, et argumentandi modo, rite atque legitime inter se connectantur.

imo, METHODUS est igitur optima, et
quæ

quae mihi magis arridet, a definitione
hujus operis exordium sumere.

2do, DOCTRINAM vel aliter Causam
Proximam Inflammationis, quae mihi ma-
gis probabilis videtur, hic loci tradere co-
nabor; atque hoc modo, diversitates,
quae in omni inflammatione contingere
soleant, pro viribus explicare aggrediar.

3to, CAUSAE praedisponentes, operan-
di modus, Phaenomena, et Symptoma-
tum ratio, pertractanda sunt.

4to, DIVERSI modi, in quibus in-
flammatio plerumque terminatur, et pau-
ca de Medendi Methodo proferenda
funt.

I. DEFINITIO.

INFLAMMATIO est igitur, partis ru-
bor, calor, et plerumque dolor.

Do-

6 DE PHLEGMONE.

DOLORREM enim non semper comitem, aut inflammationis symptomata diagnosticum, esse experimentis anatomicis celeberrimi Doctoris Monro dilucide apparet; descissis quippe nervis ranae posteriori cruri inservientibus, ut nec punctura, combustione, vel laceratione, ulla doloris signa in animali excitari visa sint; deinde, salem volatilem alkalimum, in aqua solutum, parti applicavit; adeoque omnia inflammationis signa excitari viderentur; qua vero solutione paulo fortiore redditâ, mors partis confessim secuta est. Quod ratiocinium humanae equidem oeconomiae, per analogiam, rite transferre possumus. Quanquam raro eveniat, omnes nervos, cuivis parti inservientes, descisos esse; tamen, experimentis hisce, partes, ut in paralyfi, sensu motuque privari, saepenumero comper-tum habemus: Et, si paralyfin, modum in majorem adautam, putemus, hujus experimenti veritatem perfectissima ana-logia stabilire videtur. Praeterea, Illustri-

fimus

simus idem Praeceptor, post nervos de-
scissos, circuitum partibus adhuc inesse,
similibus experimentis comprobavit; et,
quod majus est, *Ophthalmiae*, a practicis,
quotidiana experientia, sine dolore e-
venire observantur.

DEFINITIONE jam peracta, proximam
hujus doctrinae partem, quoad potero,
explicare aggrediar.

II. CAUSA PROXIMA.

INTER hodiernos igitur, inflammati-
onis causam proximam, a sanguine vel
aëre effuso, lentore, aut visciditate, oriun-
dam, satis refutatam comperimus: Mul-
to itaque probabilius est, hujus phaeno-
meni causam, seu a motu sanguinis et hu-
morum, in systemate toto aducto, vel
vasis in partibus quibusdam nimium ex-
citatis,

8 DE PHLEGMONE.

citatis, suam originem ut plurimum du-
cere.

Si igitur inflammationem ab vasorum motu nimis incitato, sanitatem, ab actione eorundem moderata, sphacelumque, actione omnimodo sublata, nasci consideremus; motus proinde sanus, inter inflammationem et sphacelum, quasi inter duo extrema medium, procul dubio eveniret: Sed ordo talis rerum, experientiam quotidianam, sensusque nostros, oppugnare videtur; quippe sanitatem, inflammationem, partisque mortem, sese invicem excipientia, progressionе continua indies videamus. Igitur, cuivis libere, vel sine opinione praeconcepta cogitanti, clarissime pateat. Tria haec stadia gradu solummodo discrepant: Pars nempe fana propria sua potestate fruitur, quae, in inflammata, minuta est; sed, in sphacelum provecta, penitus ad postremum amissa est. Hoc argumentum ratiocinio postea tradendo, magis magis que

que confirmare conabor, et distinctiones necessarias inter determinationem topicam, diathesin phlogisticam, et inflammationem, stabilire aggrediar. Physiologi, nulla distinctionis hujus ratione habita, in errores ut plurimum inciderunt; namque distinctio ipsa clara est, quantumvis notae haud adeo elucecant.

Topica igitur *determinationis*, copiae sanguinis majori, per impetum in parte aliqua adauctae, circuitu in casu tali haud libere perfecto, strictura vasorum quorundam spasmodica, partis alicujus in corpore longe sitae, aborta, originem suam procul dubio debet; in tali quippe casu, tunicis arteriarum jam integris, ab inflammatione distinguitur, et vicissim, in statu inflammatorio, strictura spasmodica, nullo modo existente, vasa arteriosa, sanguinis impetu solo debilitari, atque ut plurimum distendi queant.

VENOSA quoque congesta, huic capiti referenda sunt.

Dintensis phlogistica est vasorum vis aucta,
et plerumque a stimulis oriunda, adeoque si-
ne sanguinis in parte quavis, copia majori,
fieri procul dubio potest. Nam in systemate
humano arteriarum, in una, contractio, in
parte earum altera contractioni, recipro-
ce proportionalis certissime fieri solet; et,
quod adhuc magis est, diathesis phlogi-
stica haud quaquam generaliter induca-
tur; adeoque vasa omnia, nisi praeexi-
stente plethora, neutiquam distendi pos-
sent; quapropter, ab inflammatione, et
determinatione topica, discrepare admo-
dum dilucide videatur.

IN systemate universo, *determinationes*
topicæ, languorem; diathesis vero phlo-
gistica, vigorem totius adauctum, sua
natura certissime inducit; uti, in deter-
minatione topica, ardore atque rubore
pars laesa ut plurimum suffunditur; ita in
diathesi phlogistica dolore pulsatorio sti-
pare saepe numero soleat. Tres hae con-
ditiones saepe unire reperiantur, atque,
diathe-

diathesi phlogistica existente, determinatio topica, et inflammatio, procul dubio evadant, et similiter, determinationi topicae inflammatio supervenire posset; atque quidem istiusmodi determinatio, una cum diathesi phlogistica, validae inflammationis causae praedisponentes fi-
ant.

DISTINCTIO inter diathesin phlogisticaam et inflammationem, quantumvis momenti parvi a compluribus existimeatur; haudquaquam tamen nova est; et cuivis rite consideranti phaenomena, doctrinae hujus veritas clarissime pateat: Symptomata, utcunque communia ha-
bent, eadem in hysteria et hypochondriasi, ubi phaenomena ferme similia a fibris vel nimis laxis vel tensis oriantur, sine dubio evenire solent. Ut igitur huic doctrinae finem, quam legitime, more proposito, faciam, quatuor motuum species, quibus arteriarum sistema affici soleat, quam brevissime memorabo.

imo,

imo, STATUM aucti motus, seu dia-
thesin phlogisticam.

2do, ACTIONEM moderatam, vel sa-
nitatis aut determinationis topicae sta-
tum.

3to, ACTIONEM diminutam, seu in-
flammationem.

4to, ABOLITUM omnimodo motum,
sive gangreanam et mortem.

STADIA igitur, in quibus diversae
hae affectiones occurrant, sic ostendere
conatus sum; sed singularum, solam quasi
causam, haudquaquam affero; at jam
ad propositum magis immediate rede-
undum est. Inflammatio igitur, tono
debiliori, et sequenti exinde arteriarum
alicujus partis distensioni, suam origi-
nem debet; in tali quippe casu, loci uni-
us arteriae cordi atque reliquo systemati
arterio-

arterioso impares, effectus istiusmodi necessario sequitur.

HÆC opinio, neque nova, nec mihi propria; nam Halleri est, cuius verba statim tradenda sunt: “ Posset tumor fieri, ut laxata vasa minora, absque impetus augmento, sanguinem in vita languida recipiant*.”

HÆC equidem doctrina solummodo, quod de diversis ophthalmiae speciebus, vel sub finem inflammationis, in plerisque casibus pro vero admitti solebat, magis generaliter reddit.

IN hujus theoriae confirmationem, ut quidquid inflammationem producere valeat, ab eodem, modum in majorem, aucto, mors partis oriri queat.

SPHACELO [inflammationi superveni-

* Haller. element. phys. tom 1. p. 113.

ente,

ente, collapsum, priore stimulo, seu motui violentiori proportionatum, a theoreticis contigisse, observatum fuit; sed ut tale irritamentum, effectui sedativo, caufae efficientis solummodo proportionale fiat; quare igitur, causa nulla stimulante progressa, vis illa deprimens gangraenam subito haud inducere valeat; et similiter quoad inflammationem hic loci ratiocinari liceat.

EXPERIMENTIS celeberrimi Monro nuper institutis, ranae cruri solutio tenuis alkali volatilis applicata, brevi post ingens inflammatio, atque, solutione fortiore reddita, partis mors statim subsecuta est: Cum ecchimosis saepenumero gangraenae comes fiat, quo usque inflammatio iisdem anteire soleat, durum et difficile judicatu videatur; annon experimento facili intellectu, vasorum tunicas debiliores, materia acri redditas, adeoque cordis resistere viribus impares, ideoque magis magisque distendi,

et

et accredine majorem in modum adaucta, omnia in pejora ruere, sphacelumque breviter instare, saepius demonstratum est?

DOCTOR FORDYCE, tales utpote cum dolore stipatos effectus, tamque a relaxatione haud orituros, redarguens, suis suffragiis hanc opinionem confirmare conatus est. Ob relaxationem prius natam, vasa distendi neutiquam opinor, sed distensionem solummodo oriundam, a vasorum tunicis adeo labefactatis, ut sanguinis motui haud amplius resistere valeat, merito affirmare licebit; adeoque, pars laesa, symptomatibus distensionis atque debilitatis jam adauctis, sensibilior evadit.

JAM ad praedisponentes causasque occasioales, phaenomena, rationemque symptomatum, quam brevissime pertractanda, nos accingamus; unumquodque quorum nostram theoriam magis magisque illustrare videtur; dum adhuc, mul-

ta difficiliter, si omnino, opinionibus vulgo receptis, applicabilia evadant.

CAUSÆ PRÆDISPONENTES.

INTER causas praedisponentes, nihil momenti magni occurrit; sunt enim præcipue habitus vegetus, plethoricus, sistema rigidum, tempeſtas rigida, ingens irritabilitas, &c.

CAUSÆ OCCASIONALES.

CAUSÆ igitur occasioнаles sunt vel calor, vel frigus ingens, stimuli mechanici, medicamenta acria et sedantia; sed multum dubito, si, a solo tonicorum usu, vera inflammatio induci queat: Haec igitur opinio, ab inflammatione, pro diathesi phlogistica assumpta, oriri videtur; neque omnimodo negandum sit, quin tonica, sanguinis circuitu augendo, causae praedisponentes inflammationis evadant, quandoquidem operandi modus, quo causæ

causae occasio[n]ales ad nostram theoriam illustrandam magnopere conducant; ejus equidem rationes, cum frigoris effectibus, demonstrare volumus: Hoc igitur leviore, vel minus diu continuato, natura stimulanti praedito, diathesis phlogistica, vel motus nimius vasorum, ut sit in febribus inflammatoriis, sine dubio nascatur; sed frigus, majorem in modum adactum, vi sedativa praeditum est, atque inflammationi, ut in *pernionibus* et *paronychiis*, originem praebere solet.

MEDIUS hic status interpositus, quasi a nobis desiderandus, sanitatis est; ideoque, primo intuitu, levem admodum erubescientiam percipimus; deinde color naturalis parti restituitur; sed frigus diu continuatum inflammationem gignit, auctumque supra modum gangraenam inducit; caloris aliarumque causarum occasionalium actio modo simili explicari debeat.

GRADUS igitur frigoris leviusculus, aut causarum vis occasionalium quas supra memoravimus, propriis suis stimulis, diathesin phlogistica suscitare possit; indeque valida causa praedisponens evadat. Quae situm est igitur, quamobrem frigus, quantumvis ad gradum sedativum haud proiectum, atque corporis externae superficie admotum, inflammationes internas, e. g. anginam, coryzam, et peripneumoniam, inducere queat?

imo, A frigore leviusculo diathesis phlogistica nasci possit; adeoque systema humanum, ad latentem stimulum excitandum, aptius evadit.

2do, Nullo in corpore humano stimulus praeeexistente, istiusmodi effectus, a perspiratione cohibita, generari queunt.

3tio, Idem aer frigidus, qui externe vim stimulantem solummodo exseruit; tamen interne applicatus, potestate sedativa gaudere possit.

STIMULI mechanici, vasis debilitan-
dis, vires suas continuo exferunt; et in
compluribus, cataplasmata, unguenta, aut
emplastra externe applicata, inflammatio-
nem fuscitare poterunt; idemque effectus,
a vi relaxanti, nulla quippe ranciditate vel
acrimonia tunc temporis existente, solum-
modo pendi debet.

PHAEНОMENA.

INFLAMMATIONIS igitur phaenomena
funt, *rubor, calor, tensio, tumor* saepe do-
lens, atque sensibilitas adaucta, febris,
pulsus plenus atque durus, sanguis missus,
et jam concretus, superficiem coriaceam
albam ostendens, et id genus alia, notae
comitesque diathesis phlogisticae insepa-
rables fieri soleant.

RATIO SYMPTOMATUM.

QUIDQUID de rubidine dicendum sit, hic, una cum errore loci, breviter enarrabo. Haec igitur, secundum opinionem magis receptam, a cruento in vasorum minora impacto, vi vitae magis adaucta, procul dubio fieri solent. Nonne ratio simplicior de hac re reddi possit? nempe, copia majori sanguinis rubri, per vasorum majora et sibi propria transeuntis, sed etiam per vasorum minora et aliena, suosque diametros praeternaturaliter capaciores habentia, atque hoc modo errores loci fiant. Errorem loci a vasorum distensione oriturum, vasis quippe cornea, in statu inflammatorio, injectionem haud difficiliter recipientibus, satis compertum habemus; sed, in statu fano, liquores, vasa istiusmodi nulla arte pervadere solent; ab vasorum incremento hoc phaenomenon ori-ri, haud semper existumemus, sed omnimodo fieri, valde dubitare liceat. Fingamus igitur novum vasorum incrementum

in cornea perpetuo oriundum, caeteris oculi tunicis aliquid tale nunquam applicare potuerimus. Quamvis hae etiam inflammationi aequa obnoxiae sunt, ubi vasorum incrementum novum neutiquam accidere suspiciebatur.

Calor. Cum igitur caloris animalis causae admodum obscurae sint, haud facile dictu, quomodo calor adactus in statu inflammatorio produci queat. Si a frictione nasci ponamus, arteriarum tunicae, jam tensiores redditae, majorem sanguinis impetum solidis sibi vicinis facilime communicare possunt ; hinc major attritus necessario fiat, copiaque sanguinis in parte aucta materiam huic scopo conducere valeat.

Dolor irritans atque pungens, a tunicis arteriosis, atque partibus vicinis, magnopere distentis, haud dubio contingere solet. *Dolor undulans, seu pulsatorius,* ab arteriis

teriis distentis originem habet; hinc singularis pulsationibus dolor magis augetur.

Tumor atque tensio nonnunquam a sanguinis majori in partem fluxione, quantumvis generaliter ab effusione, pendere solent.

Aucta partis inflammatae sensibilitas a tensione atque debilitate suam originem trahere videtur; et ab hisce quidem, gradu majori, partis sensibilitas manifeste semper adaugetur.

CUM jam causae febiles non admodum dilucide appareant, quamobrem inflammationis concomites evadant, vix rationem reddere queam; unam igitur cogitationem solummodo suggeram. Irritamentum omne, pro gradu applicandi, vel stimulans aut sedativum tantum fieri possit. Similiterque omne sedativum notissimum stimulante virtute procul dubio gaudere valeat; nonnulla quidem medicamentorum gradum acrimoniae majorem priusquam effectus

effectus producunt sedativos, excitare possunt, dum alia, vi sedativa, minimis quidem dosibus exhibita, fruantur; horum tamen omnia, vi propria atque natura sua virtutes utrasque ostendunt. Stimulus, uni corporis parti jam applicatus, virtutes ibi sedativas exferere possit; sed gradu minori, toti systemati vicem stimulantis solummodo supplere valeat; hinc diathesis phlogistica et inflammatio a causa eadem nascantur; prior quippe, stimulo nimis leni, ad inflammationem fuscitandam, originem suam debet.

4to, TERMINATIONES et Methodum Medendi nunc, ut caput ultimum, tractare restat.

INFLAMMATIO in resolutionem, suppurationem gangraenam, vel schirrum, terminatur; quibus adhaesionem quoque adjungam. Nervi, quantumvis nullo modo vel ad excitandam vel sustentandam inflammationem per se conducunt, facile tamen

tamen intellectu, naturam, illorum interventu, vasa arteriosa, morbo jam debilia, in proprium statum redigere, semper operam dare: Natura igitur victrice, inflammatio resolvitur; si contrarium evenierit, debilitate urgente, mors brevi sequitur.

Adhaesio frequens inflammationis effectus est; quippe partes labefactatae, in contactum mutuum adductae, ut plurimum tali modo unire solent. Causam adhaesionis proximam haud jam explicare conabor; attamen unum phaenomenon, huc usque difficile commonstratu, attingam, (nempe) methodum curandi vulnera, intentione prima. Jampridem hoc chirurgicorum studia meruerat; inque labiis vulnerum uniendis, eisque ab aeris ingressu rite defendendis, ut plurimum constare videtur. Partes hoc modo brevi coalescunt: Omnes in hac re consentiunt; ejusque veritatem praxis quotidiana confirmat; sed quo modo fiat,

anon

annon a suppurationis effectu, vel a facultate propria, qua partes inflammatae, rite in contactum mutuum redactae, coalescere queant, non est hujus loci. Celeberrimus in hac academia Professor, cuius sententiam omnimodo amplectior, opinionem priorem suis suffragiis stabilire dignatus est; ad hujus sententiae veritatem confirmandam argumenta sequentia exhibet.

I. SUPPURATIONEM, quae fermentationis in lymphatica sanguinis parte species est, absque aeris ingressu accidere, ut a suppurationibus internis manifeste pateat.

II. AERIS effectus est impedire, vel puris formationem vitiare; ideoque chirurgi, magna cum cautela, ingressum ejus in ulcera, vulnera, &c. excludere conantur.

III. Quo diutius aeri vulnus patefactum sit, eo tardius latera ejus coalescere soleant, indeque, serius ociusve, majore vel minore copia, suppurationem semper oriri, coarguit.

TERMINATIONIBUS nunc peractis, jam de medendi methodo pauca differe-re conabor.

METHODUS MEDENDI.

IN inflammatione igitur rite medenda, opus optime perficitur, vim propriam vasis restituendo.

I. IMPETUM sanguinis, seu causam distendentem, minuendo.

II. TONICORUM usu,

INDICATIONI primae, venaefectio,
vel

vel generalis vel topica, ut plurimum infervire solet.

MISSIO sanguinis, generaliter exhibita, quantitatem atque impetum humorum circumfluentium, optime imminuit. Hujus effectus, quantumvis haud tam immediate se ostendunt, tamen diutius permanere observantur; topica enim venaesectorio, quae virtute derivandi gaudet, impetum sanguinis diuentem, brevitantummodo tempore, removere valeat. Atque hoc modo, vasa, propria vi contrahendi, priores diametros recuperare soleant; et, quamvis in statum sanum haudquamquam adhuc restituta sint, tamen diutius, abique priore distensionis gradu, remanere valeant; adeoque, hoc intervallo durante, tonus eorum in statum naturalem restitui possit; vel saltem tonicorum applicatio interim opportunior redditur.

II. TONICORUM usus paulo difficulter

or videtur ; quippe, si cordis actio ab iisdem, pari ratione, ac arteriarum vis acceleretur ; in tali procul dubio casu, multa mala, a majore sanguinis impetu adiuncto, produci valeant. Ad hoc igitur vitium praecavendum, affectis partibus medici peritiores remedia talia, ut plurimum, applicare soleant : Hoc consilio, plumbum, lapis calaminaris, aliaque generis metallici, ut faccharum saturninum, vitriolum album, &c. similiterque vegetabilia amara et astringentia, in inflammatione curanda, locum habent. Astringentia autem, nisi in affectionibus externis, cautissime administranda sunt ; tali enim methodo, solida rigidiora fiant, virtutibus medicamentorum ad vasa ipsa haud penetrantibus ; indeque inflamatio augeri possit, cum unoquoque cordis ictu arteriae versus substantiam duriorrem prementur ; atque ita, simili modo, quo tumor aneurisimaticus injuriam pati possit.

ASTRINGENTIA equidem, in externis inflammationibus, saepenumero profundunt; quippe vasis ipsis magis immediate applicata, ut in ophthalmiis, aqua frigida saepe summo usui est; quamvis ex natura quidem stimulanti partim pendeat. Cortex Peruvianus, a quibusdam laudatus, ab aliis damnatus, ut ego autem existumo, virtute tonica magno gradu gaudeat; sed cor, eodem modo quo systema arteriolum, corroborat, deinde sanguinis impetum auget; tamen hoc vitium forsitan evadi possit, vel saltem noxae istiusmodi minui queant, sanguinis copia, secundum toni incrementum, in arteriis comminuenda. *Aromatica*, virtute stimulanti utpote praedita, raro hic usurpantur; spiritus vini simili modo vires suas exserit. *Fotus, cataplasma emolientia, thermaeque, solida relaxant*, adeoque influxum liberiorem, vis nerveæ arteriis debilitatis, praebent. Horum usus ab astringentibus valde differt; externis quippe partibus solummodo inflam-

flammatis, ideoque vasis immediate adhibita, valde damnosa fiant; sed inflammatione profunda magis existente, incumbentium tensione removenda, et ad vaſa haud penetrantia, summo emolumento aegris esse soleant.

His igitur, horumque modo operandi, quoad potui, quam brevissime consideratis, ratio, quare talia remedia locum inter tonicos habere debent, cuivis rite consideranti facilime patescat; et quamvis hic in ordinem fortasse novum redigantur, eorundem summum in inflammationibus emolumentum, praecipue in haec tenus memorata specie, a practicis haudquaquam negari debeat.

Calor etiam instar stimuli suas vires exferit. Atque ita inter rusticos, si quis inflammatione digitii male se habeat, partisque suppurationem timeat, digitum aquae fervidae immergere, ut plurimum, effectus felices praebet. Hic enim calor solum-

solummodo agit, quia ad laxitatis statum producendum, haud satis diu continuatur; similiterque paronychia, combusta, &c. igni applicata, melius se habent.

Epispaſticorum et rubefacientium vis est, imo, Sedativum effectum in parte cui applicantur conciliando, vel inflammationem ibi fuscitando; indeque sanguinis major copia ad partem, minorque ad prius inflamatam, differtur. Cum hic non adeo magna sit derivatio, uti in topica sanguinis missione, sanatio non tam cito evadit; sed quasi diutius continuaatur, medela semel perfecta, longius permaneat.

2do, *Epispaſtico*, stimulo generali systemati toti inferendo, per motum maiorem aductum, virtutes suas ut plurimum ostendunt; hinc sanguinis prius mittendi utilitas manifeste patet.

INFLAMMATIONES per metastasim si-
militer agunt.

De gangraena, suppuratione, &c. ali-
quid hic dicere prorsus supervacuum fo-
ret; solummodo observare liceat, ut in
gangraena, effusos humores qualitate sep-
tica imbutos esse, quibus malum saepe
numero latius extenditur; itaque, ut a
chirurgis nuper in praxin redactum fuit,
increcentem sphacelum neutiquam am-
putari, non mea sententia est, saltem si a
causa externa proveniat.

Corticis Peruviani usus est, partis in-
flammatae vasis vim majorem praebere:
Quomodo hujus medicinae utilitas the-
oriae motus auctioris consentanea videa-
tur? An indicatio est, novum vigorem
actioni jam nimis adauctae vasorum par-
tis inflammatae hic addere? Vel an pra-
xis omnimodo empyrica, et operatio spe-
cifica?

ITA,

IT A, quaecumque de inflammatione dicenda habui, quoad ratio docet, atque experientia confirmat, vobismet tradere conatus sum ; qua proprietate hoc opus peractum fit, vestro praestantiori judicio unice cognoscendum relinquo.

SI quid observatu dignius in hoc opere inveniri queat, laus atque honos ejusdem chirurgo-medicae societati solummodo debentur, cui tam prima hujus doctrinae principia, quam plurima alia, debeo ; sed, si in errores ullo modo inciderim, culpa procul dubio mea est.

F I N I S.

ЛИМОННАЯ ЗЕЛЕНЬ

Чисто-желтый острый вкус

Сладко-кислый аромат

Свежий и сочный вкус

Лимон